

Таом ҳозир бўлганда намозни кейинга суриш

Image not found or type unknown



13:00 / 20.12.2020 10293

اِذَا قَمَّ لَسَوَ وَهِيَ لَعُ هَلَلَا لِيَصَّيْبَنَّ لَانَع، اَهْنَعُ هَلَلَا لِيَصَّرَ شَعْنَعُ نَع
مَدَّقَ اِذَا؛ هَيَاوَرِي فَو، اَشَعْلَابِ اَوْءَدْبَافُ هَالَّصَلَاتِ مَيَقُ اَوْ اَشَعْلَا عَصُو
هَاور: مُكَيَّاشَعْنَعُ نَع اُولَجَّعَتِ اَلَو، بَرَعْمَلَا هَالَّصَلَاتِ بَقَرَو اَوْءَدْبَافُ اَشَعْلَا
يَذْمُرَّتْ لَاوَنَا حَيَّ شَلَا

Оиша розияллоху анҳодан ривоят қилинади:

«Набий соллаллоху алайҳи васаллам:

«Кечки таом қўйилса-ю, намозга иқомат айтилса, кечки таомдан бошланглар», дедилар».

Бошқа бир ривоятда:

«Кечки таом тақдим қилинса, Шом намозидан олдин ундан бошланглар. Кечки овқатингизда шошилманглар», дейилган.

Икки Шайх ва Термизий ривоят қилганлар.

Шарҳ: Намоз билан таом бир вақтга тўғри келиб қолса-ю намознинг вақти бемалол бўлса, олдин таом тановул қилишдан бошланади. Чунки инсондаги таомга бўлган эҳтиёж намозига путур етказиши мумкин. Намозда ҳам хаёлига таом келиб, намоз ўқигандек бўлмайди. Намозни зеҳн ва фикр холи бўлганда ўқиш керак.

Шунингдек, кишининг хаёлини олиб қочадиган таомга ўхшаш бошқа эҳтиёжлар бўлса, аввал уларни қондириб олиб, кейин хотиржам равишда, кўнгилни бир жойга қўйиб, намоз ўқишни бошлаш лозим.

مَاعْطَلَالِةَرْضَحَبَالصَال؛ لاقَمَلَسَووَهِيَلَعُجَلَالِصِيْبِنَلَا نَعَاهُ نَعَو
نَاثَبُخَالَاهُ فَاذِي وَهَالو

Яна ўша кишидан ривоят қилинади:

«Набий соллаллоҳу алайҳи васаллам:

«Таом ҳозир бўлганда намоз йўқ. Уни икки (томондаги) чиқинди қистаб турганда ҳам», дедилар».

Ушбу ҳадисдан олинандиган фойдалар:

1. Таом ҳозир бўлганда намозни кейинга суриш. Албатта, намознинг вақти чиқиб кетгунча таом еб ўтирилмайди.
2. «Заҳар танг» қилиб турган одам ҳам намоз ўқимасин.
3. Қазои ҳожати қистаб турган одам ҳам намозини кейин ўқисин.
4. Қорни дам бўлиб, ел қистаб турган одам ҳам намоз ўқимасин. Бундай ҳолларда бўшаниб олиб, янги таҳорат қилиб, кейин хотиржам намоз ўқилади.

«Ҳадис ва ҳаёт» китобидан